



MANUAL KHUTBAH JUMAAT



TAJUK ; RAMADHAN DAN AL-QURAN



ISLAMIC - SAUQUUR - OBEDIENCE

Unit Khutbah
Bahagian Pengurusan Masjid
Jabatan Agama Islam Selangor





"RAMADHNA DAN AL-QURAN".1

الْحَمْدُ لِلَّهِ الْقَائِلِ : شَهْرُ رَمَضَانَ الَّذِي أُنزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَى وَالْفُرْقَانِ	2
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَىٰ آئِلِهِ وَأَصْحَابِهِ أَجْمَعِينَ.	3
أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ! أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.	4
قَالَ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ ﴿١٠٢﴾	
Saya menyeru agar kita bersama-sama meningkatkan ketakwaan kita kepada Allah SWT dengan melaksanakan segala perintah-Nya dan meninggalkan segala perkara yang dilarang-Nya. Marilah kita memberi sepenuh tumpuan kepada khutbah yang disampaikan. Janganlah berbual-bual dan berleka-leka dengan telefon bimbit. Semoga kita mendapat manfaat daripada khutbah yang disampaikan ini.	5
Pada hari yang mulia ini mimbar akan membicarakan khutbah bertajuk: " RAMADHAN DAN AL-QURAN ".	6



<p>Apabila disebut bulan Ramadhan, sudah pasti kita akan melalui sejarah peristiwa penurunan al-Quran (<i>Nuzul al-Quran</i>) yang berlaku pada malam al-Qadr. Ini menunjukkan bahawa Ramadhan dan al-Quran adalah dua elemen yang berpadu dan tidak terpisah. Penurunan al-Quran berlaku dari <i>Luh al-Mahfuz</i> ke <i>Bait al-Izzah</i> (langit dunia), seterusnya diturunkan kepada Rasulullah SAW secara beransur-ansur selama dua puluh tiga tahun mengikut keperluan atau keadaan tertentu.</p>	7
<p>Firman Allah SWT dalam surah al-Baqarah ayat 185 seperti mana yang telah dibacakan pada muqaddimah khutbah tadi yang bermaksud:</p> <p><i>"Masa yang diwajibkan kamu berpuasa itu ialah bulan Ramadhan yang padanya diturunkan al-Quran, menjadi petunjuk bagi sekalian manusia, dan menjadi keterangan-keterangan yang menjelaskan petunjuk, dan (menjelaskan) perbezaan antara yang benar dengan yang salah".</i></p>	8
<p>Peristiwa penurunan al-Quran telah berlaku pada malam al-Qadr. Satu malam yang mulia dalam bulan Ramadhan yang mempunyai kelebihan berbanding malam-malam yang lain. Beramal ibadah dan berbuat kebajikan pada malam tersebut adalah lebih baik daripada beramal selama seribu bulan.</p>	9
<p>Firman Allah SWT dalam surah al-Qadr ayat 1 hingga 3:</p> <p>إِنَّا أَنْزَلْنَاهُ فِي لَيْلَةِ الْقَدْرِ ﴿١﴾ وَمَا أَدْرَاكَ مَا لَيْلَةُ الْقَدْرِ ﴿٢﴾ لَيْلَةُ الْقَدْرِ خَيْرٌ مِّنْ أَلْفِ شَهْرٍ ﴿٣﴾</p>	10



"Sesungguhnya Kami telah menurunkan (al-Quran) ini pada malam "lailatul Qadr", dan apa jalannya engkau dapat mengetahui apa dia kebesaran malam "lailatul qadr" itu? Malam "lailatul Qadr" lebih baik daripada seribu bulan".

11

Di dalam bulan Ramadhan ini juga, Rasulullah SAW bertadarus al-Quran dengan malaikat Jibril Alaihissalam. Ibn 'Abbas Radhiallahuanhuma meriwayatkan bahawa:

12

وَكَانَ جِبْرِيلُ يَلْقَاهُ فِي كُلِّ لَيْلَةٍ مِنْ رَمَضَانَ فَيُدَارِسُهُ الْقُرْآنَ

"Jibril Alaihissalam menemui Rasulullah SAW pada setiap malam di bulan Ramadhan, lalu mengajar Baginda al-Quran".

13

(Riwayat al-Bukhari).

Harus diingat, di antara tujuan al-Quran diturunkan adalah untuk dibaca. Membacanya merupakan zikir yang paling utama dan diberi ganjaran oleh Allah SWT. Firman Allah SWT dalam surah Fathir ayat 29:

14

إِنَّ الَّذِينَ يَتْلُونَ كِتَابَ اللَّهِ وَأَقَامُوا الصَّلَاةَ وَأَنْفَقُوا مِمَّا رَزَقْنَاهُمْ
سِرًّا وَعَلَانِيَةً يَرْجُونَ تِجَارَةً لَّنْ تَبُورَ ﴿٢٩﴾

"Sesungguhnya orang-orang yang selalu membaca kitab Allah dan tetap mendirikan sembahyang serta mendermakan dari apa yang Kami kurniakan kepada mereka, secara sembunyi-sembunyi atau secara berterang-terangan, mereka (dengan amalan yang demikian) mengharapakan satu perniagaan yang tidak akan mengalami kerugian".

15



Rasulullah SAW juga pernah bersabda mengingatkan tentang ganjaran bagi orang yang membaca al-Quran dijelaskan dalam sebuah hadis daripada Abdullah bin Mas'ud Radhiallahuanhu bahawa Nabi Muhammad SAW bersabda:

16

مَنْ قَرَأَ حَرْفًا مِنْ كِتَابِ اللَّهِ فَلَهُ بِهِ حَسَنَةٌ ، وَالْحَسَنَةُ بِعَشْرِ أَمْثَالِهَا ،
لَا أَقُولُ الْم حَرْفٌ ، وَلَكِنْ أَلِفٌ حَرْفٌ وَلامٌ حَرْفٌ وَمِيمٌ حَرْفٌ

*"Sesiapa yang membaca satu huruf daripada kitab Allah baginya satu kebaikan, dan kebaikan itu digandakan dengan sepuluh kebaikan seperti nya, aku tidak berkata 'Alif Lam Mim' satu huruf, tetapi 'Alif' satu huruf, 'Lam' satu huruf dan 'Mim' satu huruf".
(Riwayat al-Tirmizi).*

17

Begitulah mukjizat al-Quran, hanya dengan membaca satu huruf sahaja daripada al-Quran sudah menyebabkan sepuluh kebaikan kepada pembacanya, apatah lagi jika kita menjadi orang yang sentiasa mencari dan mengisi masa untuk membaca kalam Allah SWT. Pasti lebih beroleh ganjaran yang lebih besar ketika berada di dalam bulan Ramadhan ini. Al-Quran dan Ramadhan menjadi sangat dekat dengan kita semua.

18

Marilah kita berusaha menjadikan bulan Ramadhan ini sebagai bulan untuk berinteraksi dengan al-Quran. Kita juga hendaklah berazam untuk mengkhataamkan bacaan al-Quran kita di bulan yang mulia ini. Di samping membaca al-Quran, kita juga disarankan untuk mendengar bacaan al-Quran daripada orang lain sama ada semasa solat berjemaah, bacaan al-Quran di televisyen, radio dan sebagainya. Mudah-mudahan bacaan kalam Allah SWT yang didengari ini mendapat keberkatan, yang akan masuk ke dalam jiwa, seterusnya berakhlak dengan akhlak al-Quran.

19



Imam al-Nawawi pernah berkata, adalah menjadi satu sunnah dengan menumpukan kepada pembacaan al-Quran di bulan Ramadhan. Lebih-lebih lagi pada sepuluh hari terakhir khususnya pada malam-malam yang ganjil.

20

Janganlah kita jadikan alasan untuk tidak membaca al-Quran sekiranya kita tidak lancar membacanya kerana ianya adalah lebih baik daripada kita meninggalkan terus daripada membaca al-Quran. Saidatina 'Aisyah Radhiallahuanha meriwayatkan bahawa Rasulullah SAW bersabda:

21

المَاهِرُ بِالْقُرْآنِ مَعَ السَّفَرَةِ الْكِرَامِ الْبَرَّةِ، وَالَّذِي يَقْرَأُ الْقُرْآنَ وَيَتَتَعْتَعُ فِيهِ، وَهُوَ عَلَيْهِ شَاقٌّ، لَهُ أَجْرَانِ

Bagi mengimarahkan bulan yang mulia ini, masjid-masjid turut menganjurkan pelbagai program kerohanian. Antara yang selalu diambil perhatian adalah program tadarus al-Quran yang dijalankan pada setiap malam selepas solat sunat tarawih. Program khatam al-Quran kebiasaannya turut diadakan pada minggu-minggu terakhir Ramadhan termasuk di masjid, surau, pejabat, institusi keagamaan dan sebagainya. Marilah kita merebut peluang keemasan ini untuk bersama-sama berada dalam kumpulan yang sentiasa dinaungi para malaikat.

22

Bagi mengimarahkan bulan yang mulia ini, masjid-masjid turut menganjurkan pelbagai program kerohanian. Antara yang selalu diambil perhatian adalah program tadarus al-Quran yang dijalankan pada setiap malam selepas solat sunat tarawih. Program khatam al-Quran kebiasaannya turut diadakan pada minggu-minggu terakhir Ramadhan termasuk di masjid, surau, pejabat, institusi keagamaan dan sebagainya. Marilah kita merebut peluang keemasan ini untuk bersama-sama berada dalam kumpulan yang sentiasa dinaungi para malaikat.

23



Apa yang lebih mendukacitakan, sekiranya ada dalam kalangan kita yang sanggup menghabiskan masa berjam-jam lamanya dengan telefon pintar untuk mencari sesuatu yang tidak berfaedah daripada membaca al-Quran dan memahami ayat-ayatnya. Ramai juga di antara kita yang sudah berpuluh-puluh tahun membaca al-Quran tetapi tidak berusaha untuk memahami ayat yang dibaca. Khususnya surah al-Fatihah dan ayat-ayat lazim yang dibaca setiap hari di dalam solat mahupun di luar solat.

24

Firman Allah SWT dalam surah Muhammad ayat 24:

أَفَلَا يَتَدَبَّرُونَ الْقُرْآنَ أَمْ عَلَى قُلُوبٍ أَقْفَالُهَا ﴿٢٤﴾

25

"Setelah diterangkan yang demikian maka adakah mereka sengaja tidak berusaha memahami serta memikirkan isi al-Quran? Ataukah telah ada di atas hati mereka kunci penutup yang menghalangnya daripada menerima ajaran al-Quran?"

26

Oleh itu, khatib ingin menasihati diri sendiri dan para jemaah sekalian agar menjadikan bulan ini sebagai bulan membaca al-Quran dan memahami ayat-ayatnya. Salah satu cara adalah dengan bertadarus al-Quran bersama ahli keluarga atau bertadarus bersama dengan para jemaah di masjid atau di surau dan saling memperbetulkan bacaan di antara satu sama lain. Ambillah peluang di bulan yang mulia ini untuk kita menambah pahala amal ibadah kita yang akan kita bawa selepas meninggalkan dunia nanti. Ingatlah, tidak ada kepastian yang kita akan bertemu lagi dengan Ramadhan akan datang.

27



Bagi mengakhiri khutbah kali ini, marilah kita semua mengambil pengajaran terhadap perkara-perkara berikut:

1. Umat Islam hendaklah meyakini bahawa al-Quran merupakan kalam Allah SWT dan satu-satunya mukjizat Nabi Muhammad SAW yang boleh dilihat, dipegang dan diberi pahala kepada yang membacanya.
2. Bulan Ramadhan dan al-Quran bersatu, isilah Ramadhan dengan aktiviti berkaitan al-Quran.
3. Umat Islam hendaklah sentiasa belajar membaca al-Quran dan berusaha untuk memahami, mengambil pengajaran dan menjadikannya sebagai asas semua aspek kehidupan kita.

28

أَعُوذُ بِاللَّهِ مِنَ الشَّيْطَانِ الرَّجِيمِ

كَتَبَ أَنْزَلْنَاهُ إِلَيْكَ مُبَارَكٌ لِيَدَّبَّرُوا آيَاتِهِ وَلِيَتَذَكَّرَ أُولُو الْأَلْبَابِ ﴿٢٩﴾

29

"(Al-Quran ini) sebuah kitab yang Kami turunkan dia kepadamu (dan umatmu wahai Muhammad), kitab yang banyak faedah-faedah dan manfaatnya, untuk mereka memahami dengan teliti kandungan ayat-ayatnya, dan untuk orang-orang yang berakal sempurna beringat mengambil iktibar".

(Surah Sad : 29).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.

30

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ

31



KHUTBAH KEDUA

1	الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
2	وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.
3	أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أُوصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.
4	إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
5	اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.
6	اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.
7	اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ بِأَسْمَائِكَ الْحُسْنَى، وَصِفَاتِكَ الْعُظْمَى، أَنْ تَحْفَظَ بَعَيْنِ عِنَايَتِكَ الرَّبَّانِيَّةَ، وَتَحْفَظَ وَقَايَتِكَ الصَّمَدَانِيَّةَ،
8	جَلَالَةَ مَلِكِنَا الْمُعْظَمِ، سُلْطَانَ سَلَاطِينِ، سُلْطَانَ شَرَفِ الدِّينِ ادریس شاه الحاج ابن المرحوم سُلْطَانَ صَلَاحِ الدِّينِ عبد العزيز شاه الحاج.



<p>اللَّهُمَّ أَدِّمِ الْعُونَ وَالْهَدَايَةَ وَالتَّوْفِيقَ، وَالصِّحَّةَ وَالسَّلَامَةَ مِنْكَ، لَوْلِي عَهْدِ سِلاَعُورِ، تَغْكُو أَمِيرِ شَاهِ ابْنِ السُّلْطَانِ شَرْفِ الدِّينِ ادریس شاه الحاج،</p>	9
<p>فِي أَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ يَا ذَا الْجَلَالِ وَالْإِكْرَامِ. اللَّهُمَّ أَطْلُ عُمْرَهُمَا مُصْلِحِينَ لِلْمُؤْظَفِينَ وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدَى وَالرِّشَادِ.</p>	10
<p>Ya Allah! kami berlindung dengan-Mu daripada ujian yang berat, daripada ditimpa kecelakaan, dari buruknya takdir dan dari kegembiraan para musuh atas ujian dan kecelakaan yang menimpa kami. Ya Allah, kami mengharap perlindungan-Mu, daripada hilangnya nikmat yang Engkau berikan, dari berubahnya kesihatan yang Engkau kurniakan, lindungi negeri kami dari datangnya bencana dan malapetaka. Ya Allah, hanya Engkau yang Maha menyelamatkan, selamatkan Masjid Al Aqsa di Palestin.</p>	11
<p>Ya Allah! Jadikanlah kami antara hamba-Mu yang menjaga amanah. Kuatkan iman kami agar menjauhi perbuatan khianat serta jauhkan kami termasuk dalam golongan yang mengabaikan tanggungjawab dan jauhi negeri dan negara kami daripada kehancuran disebabkan perbuatan rasuah, penyelewengan dan salah guna kuasa. Serahkan tanggungjawab memimpin negara kami kepada hamba-Mu yang amanah dan jujur serta tegas lagi berani menegakkan kebenaran dan melaksanakan keadilan berlandaskan syariat. Jadikanlah Ya Allah masjid dan surau di Negeri Selangor rumah-rumah-Mu yang aman, mempersatukan dan menjadi nadi kekuatan ummah.</p>	12



رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا. رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ ﴿٣١﴾.	13
عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾	14
فَاذْكُرُوا اللَّهَ الْعَظِيمَ يَذُكِّرْكُمْ وَاشْكُرُوهُ عَلَىٰ نِعْمِهِ يَزِيدْكُمْ، وَاسْأَلُوهُ مِنْ فَضْلِهِ يُعْطِيكُمْ وَلِذِكْرِ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.	15